

اشتراك

صاحب امتياز و مدير مسئول ؛

سرپرست اريز غزنه‌ي صاحبي

حسين حامي

Directeur Husséin Hilmi

مع پوسته سنه لکي ۶۰ غروش

» آلتی آيايی ۴۰ »

مکايب و اوراق وارده باب عالي

قارشو سنده عدليه خانه ده کي دائرة

مختصر سه به کوندر ملیدر .

بري بری باقار ، قيامت اوندن قوبار

سوسياليزم افکارينک مروجيدز

Journal socialiste ICHTIRAK

چارک مملکتده

سوسیال دموکرات - عمله فرقه سی

اعضال رینک محکومیتی

موسقواده سوسیالیست روولوسیونرلرک
محاکمه سی

سوسیالیستلرک آینده دورانی دایما یکی منظره لره
یکی یکی حادثه لره ، ظلمت ، وحشت و اعتسافات
بی نهایتیه دوچار اولور .

افرنجی مایسک بشنده پترسبورغ جنایت
محکمه سی طرفندن سیمه نوف ، ساوینوف ،
باشانقوف ، پ ، تهترین و سائر سوسیال
دموکرات صنفه منسوب اولانلر نفی به محکوم
اولمشلدر . عجیبو محکومیه دوچار اولمق ایچون
او زوالیلرک قباحتی نه ایمش ؟ عمله نک حقوقی
مدافعه ایتمک مقصدیه مایسک برنده ترتیب
ایدیله جک مراسم نمایشکارانه به دعوت ایچون
خصوصی ورقه لر نشر ایدرک عملیه توزیع
ایتمش . . . ! بو ورقه لری نشر ایتمک ایچون
سانسوردن مساعده آلامش . ایشته بر حرکت
احرارانه که : جمعیتمک حقوق طبیعه سی دایما
تعرضه دوچار ایدن مستبدلر طرفندن بر فعل
جنایت کبی تلقی ایدیلرک بارایانه بر صورتده
مرتکبلر حقده اک مدهش جزاری تنفیذ
ایدیورلر . عجبا حر مملکتلرک قوانین جزاییه لرنده
بوکی اجراءات اجتماعیه ایچون تنفیذ مجازاتی

متضمن مواد قانونیه وارمیدر ؟ عجبا فکر
بشرک بونلری جنایت درجه سنده تلقی ایتمک
ایچون جوهر اصلینی ضایع ایتمش اولدیغنه
احتمال ویریلیرمی ؟ جزا حقوق و منافع مشترکه
اجتماعیه یی اخلال ایدن حرکاته فارشو وضع
ایدلش برتازیانه دن بشقه برشی دکلدر . دیمک
اولورکه قوانین جزاییه اشرایه قارشو برتازیانه
تهدیددر مدافعه حقوق ایچون هیچ کسه
اوتازیانه به هدف ایدلمز . قرون و سلطانک هنکامه
ظلم و اعتسافده بیله بوکی حق سزلقلره ، معا-
ملات مدهشته تهدیدکارانه به پک از تصادف
ایدیلیر . بوکی شناختلر جمعیتی تشکیل ایدن
افرادک ناصیه پاکلرینی مظلوم اجتماعیه ایله تلویث
ایتمک دیمکدر .

دعواو کیلرلرک فرق مذکور نک دوماجلسی
طرفندن اولجه تصدیق ایدلش اولدیغی بیان
ایتمک لرینه رغماً هیئت حاکمه استقلالیتی ادعا
سمانوفی نفی ایدرک و دیگر رفقا سینه اوتوز ایکی
آی خدمات شاقیه محکوم ایتمشدر .

موسقوه جنایت محکمه سی دخی زینسوف
واستون نام سوسیالیستی محکوم ایتمشدر .
بونلر هپ خفیه لرک اخبارات کاذبه سی نتیجه -
سی اوله رق اجرا ایدلمکده اولان اجتماع
جنایتلردر . فعل جنایتیه ارتکاب ایتمش اولدیغندن
طولایی محکوم ایدیلن بر ذاتک محکومیتی بر
جنایت تشکیل ایدرسه انسان ارالرنده مدهش
بر حد فاصل بولسان اشبو ایکی فعلدن ها -
نکسنک دهادهشتلی بر جنایت اولدیغنی درک و
تفهیم ایتمک ایچون اوزون اوزادیه علوم اجتماعیه یی
تبعه لزوم حس ایتمز .